



ՄՈՎՍԵՍ ԽՈՐԵՆԱՅՈՒ «ՈՂԲԸ» ՀԱՅՈՑ
ԱՆԿԱՆ ՊԵՏԱԿԱՆՈՒԹՅԱՆ ԳԱՂԱՓԱՐԻ
ԳՐԱԿԱՆ ՀԻՄՆ Է, ԵՎ ԳՐԻԳՈՐ ՆԱՐԵԿԱՅՈՒ
«ՄԱՏԵԱՆ ՈՂԲԵՐԳՈՒԹԵԱՆ» ԵՐԿԸ
ԱՂԵՐՍՆԵՐ ՈՒՆԻ ՆՐԱ ՀԵՏ

Կանխապես նկատենք, որ հայոց միջնադարյան ողբը իր տեսակի մեջ ամենահին և հարուստ պատմությունն ունի: Այն իր հոգևոր սնունդը ստացել է Աստվածաշնչից, Երեմիայի ողբից, և ազգային գաղափարական մպատկասպացությամբ ու բազմաբնույթ բովանդակությամբ ներկայացնում է քրիստոնյա հայության գեղարվեստական գրականության մի հին և ինքնատիպ բաժինը:

Մինչև բուն խնդրին անդրադառնալը, նկատենք նաև, որ հայոց միջնադարյան ողբը մարդու կատարելության, նրա հոգեկան և իմացական ներաշխարհն արտացոլելու, նրա բնական և ստացական պահանջմունքների միջև ներդաշնակություն ստեղծելու հուզալեցում արտահայտչամիջոց է, ինքնաքննադատանքի, զղջման, մտքի և սրտի ձայն հառաչանաց: Այդպես են ընկալել ողբը 5-18-րդ դարերի հայ նշանավոր պատմագիրները, իմաստասերները, բանաստեղծները, ամվանի գրիչները, այդպես է ընկալել և ողջ ժողովուրդը ու սիրել, տարածել այն:

Ուշագրավ է, որ հայոց ողբի տեսական, գիտական սահմանումը մենք հանդիպում ենք դեռևս Գրիգոր Նարեկացու «Մատենան ողբերգութեան» էջերում: Ի՞նչ շահ կարող է բերել վհատությունը, հուսալքումը, գրում է համճարեղ քնարերգակը, երբ խոսքի խարանդ վարդու մահացու վերքի շարավմ ամբարված, կամ ծանրությունը մթերված սրտի դուրս չթափվի իսպառ՝ խորին գիտությամբ, հմարամտությամբ «զգվանօք», «մատնամխությամբ»:

Իսկ արդ, զի՞նչ բարութ գոյ առ այս,
 Եւ կամ ո՞ր աւգուտ ինձ առ սոյն՝
 Զայս սահման ընթացից ծայնիս հեծութեան լքանել,
 Եւ ոչ զամբարեալ շարաւ մահացու վերիս
 Խառանաւ բանիս արտաքս հերքել,
 Եւ կամ ծանրութիւն սրտիս մթերեալ ցաւոյս հոգեկան
 խիթոյս,

Իբր տաղտկացուցանողական հնարամտութեամբ,

Մատնամուխ գգւանաւք փսխել¹:

Այդպես է բնութագրում ողբի հիմնական, բուժիչ դերը հայ քնարերգության համեարը, և տեսական այսօրինակ ըմբռնումն է իշխում ազգային քնարերգության մեջ ի սկզբանե՝ ներառյալ նոր ժամանակները:

Հայտնի է, սակայն, որ «ողբ, ողբերգություն» բառերը, իրենց բուն ազգային նշանակությամբ, գրական ստեղծագործության մեջ առաջին անգամ օգտագործել է Մովսես Խորենացին. «Զմտաւ այսոսիկ ածելով, հառաչումն յիս ի ներքս ընթանայ և արտօսը, և կամեցուցանէ բարբառել բան տխրական և սգաւոր: Եւ ոչ գիտեմ, եթէ զի՞արդ յարմարեցից զողբերգութիւնս և կամ զով արտասուեցից»²: Այսպես է բնութագրում ողբի դերը Մովսես Խորենացին: Զարմանալիորեն, ինչպես նկատեցինք, տեսական այս նույն գաղափարներն են շոշափվում նաև նոր ժամանակներում. «Ի գկրից առաջանաց կարիմք ունենալ, – գրում է Կ. Պոլսի Պատրիարք, նարեկագետ, գիտնական, բանաստեղծ Հակոբ Նալյանը, – զներքին զցաւս սրտից...ի խորոց սրտէ առ նա առանց զգալի ծայնի»³: Այն սոսկ ծայն չէ մարմնական, առանց մտաց, բացատրում է Նարեկի մեկնիչը, կարծեք թե նաև տարբերելու համար հայոց դասական ողբը նախաքրիստոնէական լալաց երգերից: Հիրավի, առանց վարանելու կարելի է ասել, որ սա դասական ողբը հեթանոս երգերից տարբերելու տեսական ճշմարիտ

¹ Գր. Նարեկացի, «Մատեան ողբերգութեան», աշխատասիրությամբ Պ. Մ. Խաչատրյանի և Ա. Ա. Ղազինյանի, Երևան, 1986 թ., էջ 288:

² Մ. Խորենացի, «Հայոց պատմութիւն», Վեներտիկ, ի վաճառք Մխիթարեանց, 1881 թ., էջ 578:

³ Հակոբ Նալյան, Գիրք մեկնութեան աղօթից սրբոյն Գրիգորի Նարեկացոյ, Կ. Պոլիս, 1767, էջ 13:

ընդհանրացում է, որ կատարել է 18-րդ դարի նշանավոր լուսավորիչ Հակոբ Նալյանը: Տարակուսանքից վեր է, նաև, որ թե՛ Նարեկացին և թե՛ Նալյանը, ողբի հարցին անդրադառնալիս, առաջին հերթին աչքի առաջ են ունեցել Մովսես Խորենացու «Հայց պատմութիւն»-ը և նրա եզրափակիչ «Ողբը»: Հիրավի, հայոց դասական ազգային ողբի հիմնադիրը հանճարեղ Քերթոզհայրն է: Նա իր «Հայոց պատմութիւն» անգերազանցելի աշխատությունը եզրափակում է ողբով: Հայտնի է նաև, որ Մովսես Խորենացու «Հայոց պատմութիւնը» հույժ կարևոր և բացառիկ սկզբնաղբյուր է ոչ միայն հայ ժողովրդի պատմության վաղ շրջանը ուսումնասիրելու, այլ նաև հարևան ժողովուրդների պատմության կարևոր շատ հարցեր լուսաբանելու համար: Հիրավի, հայ ժողովրդի հնագույն դարերի լուռ ու անխոս պատմությունը վերակենդանացնելու, նրան ազգային, կենսական, խորունկ շունչ ու ոգի ներարկելու համար մենք պարտական ենք Խորենացու հանճարին: Ավելին, Խորենցու «Հայոց պատմութիւն»-ը հայ ժողովրդի նախաքրիստոնեական դարավոր կյանքի գիտական հայտնությունն է և, միաժամանակ, քրիստոնյա հայության ազգային մաքառողական կյանքի, նոր վերածննդի ծրագիրը, ուղեմիջը՝ մաշտոցյան հանճարեղ գրերի գյուտից ի վեր, ներառյալ մեր ժամանակները:

Գիտական ամեն մի հարցի պատմությունն առավել քան հիմնավոր, առավել քան խորունկ և ամբողջական է դառնում, երբ այն քննական, աղբյուրագիտական ուսումնասիրության է ենթարկվում դարից-դար՝ առանձին-առանձին և դարերի՝ միմյանց հետ ունեցած կապի մեջ: Այս դեպքում ավելի քան պարզորոշ է դառնում, թե տվյալ դարը ի՞նչ է ստացել նախորդ դարերից, ի՞նչ է ստեղծել ու զարգացրել և ի՞նչ է փոխանցում հաջորդ դարերին:

Այդ դարերի անթիվ ու անհամար պատմա-քննարական ինքնուրույն և մեկնողական բազմատեսակ մեծ ու փոքր երկերի՝ ներթողների, շարականների, աղոթքների, երկտող և քառատող բանաստեղծությունների վրա, առավելապես 11-րդ դարից ի վեր, այս կամ այն չափով, նկատելի է Մովսես Խորենացու «Ողբի» և Գրիգոր Նարեկացու «Մատենան ողբերգութեան» ազդեցությունը: Ի՞նչ երևույթ է սա, որո՞նք են՝ ազգային, կրոնա-բարոյագիտական, կենսական այն հայացքները, որոնք թույլ են տալիս համադրելու 5-րդ և 10-րդ դդ.

Քանճարների ստեղծագործությունները: Մեզ հայտնի չէ որևէ փաստ կամ ակնարկ այն մասին, թե Նարեկացուն ծանոթ է եղել Մովսես Խորենացու «Հայոց պատմությունը»: Սակայն անառարկելի են և ակներև այդ երկու հանճարների երկերի միջև եղած գաղափարական աղերսները, կապը: Ա՛րդ, որոնք են այդ առնչությունները: Ամենաբնորոշ և ընդհանրական առանձնահատկությունը, որ կա Խորենացու ու Նարեկացու վերոհիշյալ երկերի մեջ, դա մրանց ինքնադատամքի գիծն է, քննադատական արվեստի առանձնահատկությունը: Հայոց բազմահարուստ պատմության մեջ Խորենացին է առաջին հանճարեղ պատմագիրը, և Նարեկացին՝ առաջին հանճարեղ բանաստեղծը, որոնց գրչի տակ անողոք քննադատությամբ, ինքնատիպ և բարձր արվեստով արտացոլվում է կյանքը լայն առումով՝ իրավա-տնտեսական, կրոնա-քաղաքական, կրոնա-եկեղեցական, բարոյագիտական, կրթական, լուսավորական և այլ առումներով: Լայնահուն այս ընթացքի մեջ երկու հանճարների ստեղծագործությունների բուն կենտրոնում կանգնած է կենդանի մարդը, բոլոր շնչավոր էակների առաջնորդը, բանական գոյը, «զարդը տիեզերաց», ինչպես բնութագրում է հանճարեղ Դավիթ Ամհաղը: Բանական մարդը սակայն, որը տարաբախտաբար հեռացել է իր սահմանից, ցավով ընդգծում են երկու հանճարները. մարդ-բանականը ոտնահարել է բնության, կյանքի, Աստծո պարգևած շնորհները ու հավասարվել անբանների, մեղանչել հոգու և մարմնի միության անբաժանականության վեճ գաղափարի դեմ...

Եթե Խորենացին իր ազգի անցած դարերի պատմությունը հանգամանալից շարադրելուց հետո միայն դառնորեն ողբում է հայոց քրիստոնեական առաջին ինքնուրույն պետականության անկումը և անհուն վշտով շարադրում իր ողբը, ապա Նարեկացին ընդհանրացնում է այդ դարերից ի վեր մեծ մասամբ օտար տիրապետությունների լծի տակ տառապող իր ժողովրդի ծանր կացությունը և հենց մույն ցավի տառապանքից, մույն գաղափարների մղումով արձագանքում Խորենացու ողբին... Հատկապես Նարեկացու «Մատենան ողբերգութեան» Ղ բանքում հայ մարդու մույն ազգային տառապանքներն է հաղորդում ընթերցողին, ինչ նա զգում է Խորենացու ողբը ընթերցելիս:

Ուշագրավ է նաև այն, որ երկու հանճարներն էլ մույն եզրակացությանն են հանգում. մարդն ինքն է իր մեղքերի խորին պատճառը, մարդ-բանականի ազգային ինքնաճանաչման ամկումը, ժողովրդի ազգային միաբանության նվազումը, բացակայությունն է անկման եզրին հասցնում հայ ժողովրդին, քայքայում նրա պետականությունը, մեղցնում նրա հավատը: Երկու ողբերի մեջ էլ հենց այն գաղափարն է մարմնավորվում, թե չքացել է Աստված-բանական մարդ-բանական ըմբռնումը. մինչդեռ մարդն է Աստծո պատկերը երկրի վրա: Զարմանալիորեն այս ըմբռնումն է իշխում միջնադարյան ողջ գեղարվեստական գրականության մեջ. որը գալիս է Խորենացու ողբից և ավելի զարգանում Նարեկացու «Մատենան ողբերգութեան» մեջ: «Ջի եթե վասն բանին մենք որպէս ասի պատկեր Աստուծոյ, - գրում է Խորենացին, - և դարձեալ առաքիմութիւն բանականին է խոհականութիւն և քո այստսիկ անհատ ցանկութիւն, ապա ուրեմն զգեղեցիկ մտածութեամբ խոհականութեանն քո վառ և բորբոք պահելով զարդարեա զբանն, որով մնաս առ յինելն պատկեր»⁴ բնութագրելով Սահակ Բագրատունուն, ընդգծում է Խորենացին:

Հայտնի է, որ Հայաստանում քրիստոնեության պետականորեն ընդունումից ի վեր /301 թ./, հատկապես 4-5-րդ դարերից, ուժեղանում էին քրիստոնյա Եկեղեցու դեմ նաև հերձվածողական, աղանդավորական շարժումներն ու պայքարը: Եզնիկ Կողբացին, Մաշտոցը՝ իր աշակերտներով, Մովսես Խորենացին և այլ մշահավոր լուսավորիչներ միասնաբար մաքառում են այդ աղանդների դեմ: 10-րդ դարում այդ պայքարը ծանր բնույթ է ստանում: Գրիգոր Նարեկացին Թոմարակյան աղանդի հետևորդներին «Մատենան ողբերգութեան» ԼԱ, ԼԷ, ՂԱ, ՂԳ բանքերում, ինչպես նաև Արմաշի վանահորը գրած «թղթում» Նրանց կոչում է զրպարտիչներ և թշնամիներ քրիստոնեական ուղղափառ հավատքի.

Զրպարտիչների գեմքերը հատեն.

Ընկնեն սրերը մահ տարածողի...

Թոր երեսպաշտի կեղծ կերպարանքն իր բուն տեսքն ստանա,
Զախջախվեն մոլի հարձակումները ստահակների,

⁴ Մ. Խորենացի, «Հայոց պատմություն», էջ 573:

Ցիրուցան լինեն ուտիծիչների տարմերն անպակաս,
Պառակտված ցրվեն հրոսակները ավազակների,
Քայքայվեն խուժուժ բարբարոսների հորդաները խուլ,
Բարձրացողները կեղծ դրոշների լինեն ջարդուփուրդ,
Մի ճամփով եկած, յոթով ետ փախչեն...
Կտրվի կապը միաբանության,
Համապազաջան ավազակների...
Խոշտանգիչների մետարձակումները անհետ խափանվեն,
Սասանվի մավը խարդախողների,
Եվ առամները կծոտողների՝ արմատահանվեն...⁵

Հայոց վերածննդի այս գաղափարները իրենց մորամոր արտահայտությունները ստացան հետագա բոլոր դարերում: 11-18-րդ դարերում հիրավի չկա մի աչքի ընկնող գործիչ, որն անմասն մնացած չլինի հայոց երկու հաճախների՝ Խորենացու և Նարեկացու համատեղ ազդեցություններից՝ այս կամ այն չափով:

17-18-րդ դարերում, երբ հայոց համար ազգային մոր և ընդհանուր վերածննդի ժամանակաշրջանն էր սկսվել, առավել քան ուժեղանում է Մովսես Խորենացու «Հայոց պատմութեա» ազդեցությունը՝ Նարեկացու «Մատեան ողբերգութեան» հետ մեկտեղ: Այս հանգամանքը բնականաբար ներազդում է դարի ոչ միայն պատմագիտության, այլ նաև փիլիսոփայության, գեղագիտության, հնագրագիտության, բանաստեղծության և գրական արձակի զարգացման ընթացքի վրա:

18-րդ դարի մշակավոր բանաստեղծներ Բաղդասար Դպիրը, Մխիթար Սեբաստացին, Հակոբ Նալյանը, Ղազար Ջահկեցին, Պետրոս Նախիջևանցին, Պետրոս Ղափանցին, Պողոս Կաղզվանցին և ուրիշներ ստեղծում են քնարական և պատմա-քնարական բազմաթիվ բանաստեղծություններ, ողբեր, արձակ էջեր, որոնք ամրապնդում են աշխարհացրիվ հայության մեջ հավատք, Հայրենիք, կրոն, գիտություն և միասնական գաղափարախոսությունը: Ողբը այդ դարերում դառնում է հայ ժողովրդի պայքարի ու ազատության կոչ: Ղազար Ջահկեցին իր «Ողբ ի վերա Հայաստան աշխարհի» բանաստեղծության մեջ Խորենացու «Հայոց պատմության», «Ողբի» հենքի

⁵ Գրիգոր Նարեկացի, «Մատեան ողբերգութեան», էջ 881:

վրա արդար պատերազմի մարտահրավեր է անում, հրապարա-
խոսական մեծ շնչով բարձրացնում հայ ազգի պետականության
փառքը և հույս հայտնում, թե կգան մոր Արշակունիներ, մոր զորա-
վարներ ու քաջ իշխաններ: Նորից կծնվեն աղեղնավոր Հայկը,
գեղեցկատեսիլ Տիգրանը, «Տիեզարասասան Արշակը», «Արիական
Վաղարշակը», «Քաջն Վարդանն» ու մրա մյուս զինակիցները և
կփրկեն հայոց աշխարհը՝ «Համայն զաշխարհն Հայաստան»:

Մի այլ հարց է: Խորենացին և Նարեկացին միաժամանակ մույն
հետաքրքրությունն ու սերն են ցուցաբերում մահ մահաքրիստո-
նեական շրջանի հեթանոս երգերի նկատմամբ: Մովսես Խորենացին
առաջինն է, որ «Հայոց պատմութեան» մեջ ըմթեցողին ծանոթացնում
է հեթանոս երգերին, զրույցներին, առասպելներին: Նարեկացին
«Մատենանոց տոմարաց» ԻԶ բանքի առաջին հատվածում մույնպես
ամրապահում է հեթանոս երգերի հարցին և մեկնաբանում մրանց
արվեստի առանձնահատկությունները՝ սիրով ու համակրանքով:

Եւ արդ, ստուգապէս եւ իրաւաբար ընդ որս,

Որք ըստ ձայնից կողկողանաց

Եւ զբանիցն յարմարութիւն հանդերձեն՝

Ի մոյն գիր բերեալ զաւարտմունս տանցն,

Որովք առաւել սաստիկ մորմոքեալ ճմլեցուցանեն

Ջաղէտս կարեացն սրտին ըղձից առ արտասուացն բղխմունս,

Ուստի եւ բազմեալ իմ ի գլուխս պարու ակմբից դասու այնր

Երախանաց,

Որք զլաւեացն յեղանակեն բանաստեղծութիւն

Եւ եւ ընդ մոսին մոցին հեծութեամբ, աւաղական

ձայնարկութեամբն:

Հաջորդ հարցը, որով առնչվում է Խորենացու «Հայոց պատմու-
թյունը» Նարեկացու «Մատենանոց տոմարաց» հետ՝ վերաբերվում
է աղանդավորական շարժման պատմությանը: Երկու համճարներն
էլ մույն ցավով են ընդգծում քրիստոնեական կրոնի դեմ մղվող
աղանդավորական շարժման ուղեգծությունները: Խորենացին իր
«Ողբում» անհուն կսկիծով գրում է. «Այժմ մարդք ի մերքուստ եւ

արհաւիրք արտաքուստ, արհաւիրք ի հեթանոսաց և մարտք ի հերձուածողաց»⁶:

18-րդ դարի դասական բանաստեղծությունը ևս հիմնական գծերով կրում է Մովսես Խորենացու և Գրիգոր Նարեկացու ոչ միայն գաղափարական ազդեցությունը, այլև նրանց քերթողական արվեստի գորեղ ուժը.

Պատմողական այսմիկ տառիս,
Ականջադրուկ թէ ելիցիս,
Ղօղեալ գործոց մերոց տոհմիս,
Տեղեակ ոմանց առ լինիցիս,

գրում է Բաղդասար Դպիրը՝ բացահայտելով այն մեծ կարևորությունը, որ ունի ազգային պատմության ուսումնասիրության հարցը: Երգիչը իր ժողովրդի կյանքն ու գործը, նրա դարերի անցած ճանապարհն իմանալու, ճանաչելու պատգամ է հղում իր ժամանակակիցներին.

Քերթողահայր մեծն Մովսէս,
էր սերընդմամբ ի հայ ազգէս,
Թորմէ ուսաք մեք վարժապէս,
զքերթութեան ազնիւ հանդէս:

Բանաստեղծը մի քառատողում բնութագրում է հանճարեղ Խորենացու Հայոց պատմության ուղեմշային դերը ինչպես ժողովրդի ազգային հայրենասիրական գրականության պատմության զարգացման գործում, այնպես էլ գեղագիտական մտածողության նոր ձևերի, քերթողական ինքնատիպ արվեստի զարգացման գործում: Այս առումով փայլում օրինակը կարող է լինել նաև Կոմիտաս Քյումուրճյանի ստեղծագործությունը: 18-րդ դարի վերջի և 18-րդ դարի առաջին հիսնամյակի մշակավոր բանաստեղծ և եկեղեցական-քաղական գործիչ Կոսիտաս Քյումուրճյանը իր «Ողբերգական աղաւմունք» քնարական հուզալեցուն բանաստեղծության մեջ հայոց ժամանակակից քաղաքական կյանքի ծանր վիճակը՝ «թշվառությունն ազգիս» ողբալու համար դարձյալ դիմում է անցյալին: Երեսիան և Խորենացին են ձայնակցում նրան օտարի բռնակալության դեմ պայքարելու, հայոց անհուն վիշտը ողբալու համար.

⁶ Մ. Խորենացի, «Հայոց պատմություն», էջ 411:

Զարթի՛ր Երեմիա և ողբս յօրհնէ,
 Արտասուօք ողբա և զմեզ աւաղէ,
 Զի կորովի ազգն մեր ողբոց արժան է.
 Վասն այնու ողբամ և յորդ արտասուեմ:
 Առ ընդ քեզ ողբակից մեր խորեմացին,
 Լէր լալակից նմա ողբօք դառնագին,
 Աւա՛ղ, ափսոս ասա մեր հայոց ազգին,
 Վասն այնու ողբամ և յորդ արտասուեմ:

Կոմիտաս Քյոմուրճյանը ևս հայոց ընդհանուր իշխանությունը ողբալու համար դիմում է անցյալ դարերի մեծն ողբասացներիմ, «Քանգի կորովի ազգն մեր ողբոց արժան է»՝ այս եզրահամագումով: Երեմիան, խորեմացի, Նարեկացի և պիտի ձայնակցեին 18-րդ դարի երգչին՝ հայոց անհուն վիշտը մորովի ողբալու համար: Բանաստեղծը վերականգնացնում է Մովսես խորենացու ողբի ցավը, կսկիծը և միաժամանակ բարձրացնում նրա քննադատական ողբի ձայնը՝ ինչպե՞ս պատահեց այս բոլորը, ո՞րն է մեր ազգի ամենամեծ սխալը, չէ որ անվանի էին բոլոր ազգերի մեջ, չէ որ փայլում էին «իբրև ակունք»: Բանաստեղծը հայոց անկման ամենամեծ պատճառը համարում է ազգի անմիաբանությունը, որը և խորենացու ողբի ամենամեծ ցավն է: Այո, Մովսես խորենացու «Հայոց պատմութեան» ողբը հայ ժողովրդի միաբանության, ինքնաճանաչման գաղափարի, ինքնություն, անկախ պետականություն ունենալու գաղափարի գրական հիմն է, որ հնչել է բոլոր դարերում և հնչում է մինչև այսօր:

Շուշանիկ Նավարյան
*Բանասիրական գիտությունների դոկտոր,
 գիտության վաստակավոր գործիչ*

